



20 19 йил « 28 » 12

№ 08-669

« ____ » ____ 20 ____ года

**Ўзбекистон Республикаси адлия вазирининг
2019 йил 4 ноябрдаги 339-ум-сон буйруғи тўғрисида**

Ўзбекистон Республикаси адлия вазирининг 2019 йил 4 ноябрдаги “Ўзбекистон Республикаси Президентининг 2019 йил 31 октябрдаги ПҚ–4502-сон “Ягона миллий меҳнат тизими” идоралараро дастурий-аппарат комплексини жорий қилиш чора-тадбирлари тўғрисида”ги қарори ижросини таъминлаш ҳақида”ги 339-ум-сон буйруғи ижросини таъминлаш мақсадида

Б У Ю Р А М А Н:

1. Ўзбекистон Республикаси Президентининг 2019 йил 31 октябрдаги ПҚ–4502-сон қарори (кейинги ўринларда – қарор) ҳамда Ўзбекистон Республикаси адлия вазирининг 2019 йил 4 ноябрдаги 339-ум-сон буйруғи (кейинги ўринларда – буйруқ) раҳбарлик ва ижро учун қабул қилинсин.

2. Қарор билан:

2020 йил 1 январдан янги меҳнат шартномаларини тузиш, амалдаги меҳнат шартномаларига ўзгартириш киритиш киритиш, шунингдек, уларни тугатиш ҳолатларини мажбурий рўйхатдан ўтказиш тартибини таъминловчи “Ягона миллий меҳнат тизими” идоралараро дастурий-аппарат комплекси (кейинги ўринларда – “ЯММТ” ИДАК) жорий қилинганлиги;

2020 йил 1 январдан бошлаб, рўйхатдан ўтказиладиган меҳнат шартномаларидаги маълумотлар асосида “ЯММТ” ИДАКда автоматик тарзда шакллантириладиган ходимнинг меҳнат фаолияти тўғрисидаги маълумотларни ўз ичига олувчи электрон меҳнат дафтари жорий этилиши;

ходимнинг меҳнат стажи, шу жумладан Ўзбекистон Республикасининг “Фуқароларнинг давлат пенсия таъминоти тўғрисида”ги Қонунига мувофиқ

пенсия тайинлашда ходим томонидан амалга ошириладиган меҳнат фаолияти даврига асосан:

2020 йил 1 январдан сўнг — “ЯММТ” ИДАКда мавжуд маълумотлар асосида (қонун ҳужжатларида белгиланган алоҳида ҳоллардан ташқари);

2020 йил 1 январга қадар — “ЯММТ” ИДАК жорий қилингунгача ўрнатилган тартибда белгиланиши инобатга олинсин.

3. Кадрлар бўлими (А.Матмуротов):

2020 йил 1 январдан бошлаб янги меҳнат шартномаларини тузиш, амалдаги меҳнат шартномаларига ўзгартириш киритиш, шунингдек, уларни тугатиш ҳолатларини “ЯММТ” ИДАКда мажбурий рўйхатдан ўтказсин. Бунда 2020 йил 1 январга қадар тузилган амалдаги меҳнат шартномалари 2020 йил 1 сентябрдан кечиктирмасдан “ЯММТ” ИДАКда рўйхатдан ўтказилишини таъминласин;

меҳнат шартномаларини, амалдаги меҳнат шартномаларига ўзгартиришларни, уларнинг тугатилишини “ЯММТ” ИДАКда ўз вақтида рўйхатдан ўтказиш, шунингдек, электрон меҳнат дафтарчасини шакллантириш учун масъулият иш берувчи зиммасига юклатилганлиги қатъий инобатга олинсин.

5. Тошкент давлат юридик университети томонидан олий маълумот тўғрисидаги дипломларнинг электрон маълумотлар базаси шакллантирилиб, Ўзбекистон Республикаси Олий ва ўрта махсус таълим вазирлигига тақдим этилганлиги ҳамда otm.args.uz сайтига киритилганлиги маълумот учун қабул қилинсин.

6. Ушбу буйруқнинг бажарилишини назорат қилишни ўз зиммамда қолдираман.

**Адлия вазири
Ўринбосари – ректор**



Р. Ҳакимов